

## Luo - Agape Ndiko - God's Love Letter Scriptures

**Johana 15:9 "Mana kaka Wuoro osehera, e kaka an bende aseherou. Koro sikuru e herana.**

**Isaya 43:1,2 - Jo-Efeso 2:10 Mano timore nikech wan chuech Nyasaye, ma nochueyo kuom Kristo Yesu mondo otim timbe mabeyo, ma Nyasaye owuon ema nosechano chon mundo watim.**

**Yeremia 1:5 - Jo-Galatia 1:15 To ka Nyasaye, mane owala mi oketa tenge kaka gir tichne kane pok onyuola, kendo mane oluonga kuom ng'wonone, nohero**

**Johana 15:16 Un ne ok uyiera. An ema nayierou kendo aketou mondo udhi unyag olemo- olemo masiko. Eka Wuoro nomiu gimoro amora mukwayo e nyina.**

**3 Johana 1:2 Jaherana alamo ni mondo ibed gi ngima ma)er, kendo ni mondo gik moko duto odhini maber, mana kaka chunyi dhi maber.**

**Isaya 43:4 - 1 Petro 2:9,10 Un to un oganda moyier. Un jodolo ma joka Ruoth kendo un oganda maler mar Nyasaye mane oyiero mondo ohul tijege miwuro, kane oluongou mi ua e mudho kendo udonjo e lerne miwuoro. 10 Chon ne ok un ji, to koro unjo Nyasaye, chon ne pok okechu, to koro osekechu.**

**Yeremia 31:3 Yeremia 31:3 Jehova nonenore koda chon, mowacho, Ee, aseheri gi hera mochwere; e momiyo aseuayo chunyi kang'wononi.**

**Isaya 43:2 Ka Ikadho e pi, nabed kodi; kata e aore, ok gininyimi: kiwoutho e dier mach, ok nowang'i; kendo ligek mach ok nomok kuomi.**

**Jo-Efeso 1:4 Kane pok ochue piny, noyierowa kuom Kristo mondo wabed maler maonge mbala e nyime.**

**2 Timotheo 1:9 ma nowarowa kendo noluongowa mondo wadag e ngima maler. Mani ok nikech wasetimone gimoro maber to nikech dwarone owuon kendo kuom ng'wonone. Ne omiyowa ng'wononi kuom Kristo Yesu kane piny pok obetie,**

**Hosea 11:8 - Johana 3:16 "Nikech Nyasaye nohero piny ahinya, omiyo nochiwu Wuode achiel makende, mondo ng'ato ang'ata moyie kuome kik lal, to obed gi ngima manyaka chieng'.**

**Isaya 49:15,16; & Isaya 41:13,14 - Luka 12:32 Kik uluor un kweth matin, nikech Wuonu mor mar miyou piny ruoth.**

**Mathayo 28:20 kendo kupuonjogi mundo gitim gik moko duto ma asechikou. To akonu adier ni abiro bedo ka an kodu seche te, nyaka giko mar ndalo."**

**Johana 14:1 a Kik we chunyu ochandre. Yieuru Jꝝ kuom Nyasaye, kendo an be yieuru kuoma.**

**Zaburi 23:1-6 Zaburi Mar Daudi 1 Jehova e jakwadha, ok anachand gimoro. 2 Omiyo anindo e lum mang'ich, otelona e geng pige mokuwe, 3 oduogo chunya. Otaya e yore mag tim makare mondo nyinge oyud duong'. 4 Kata bed ni awuotho e holo mar tipo mar tho, to ok analuor gimoro marach, nimar in koda; ludhi gi mikwachi- gin ema gihoya. 5 liko mesa e nyima ka**

**wasika neno. Iwiro wiya gi mo; okombena opong' moo oko. 6 Adier, ber gi hera biro siko ka luwo bang'a ndalo duto mag ngimana, kendo abiro dak e od Jehova nyaka chieng'.**

**Jo-Filipi 4:7 Eka kuwe mar Nyasaye moloyo ng'eyo duto norit chunyu gi pachu ka un kuom Kristo Yesu.**

**Wacho 3:24 - Johana 14:27 Aweyonu kuwe; kuwe mara ema amiyou. Ok amiu kaka piny miyou. Kik uyie chunyu chandre kendo kik ubed maluor.**

**Zaburi 4:8 Abiro riera piny mi anind gi kuwe, nikech in kendi, YAYE JEHOVA ema imiyo adak gi kuwe.**

**Zaburi 33:18 To wenge Jehova nikuom joma oluore, kuom joma geno margi ni kuom herane maok rem,**

**Jo-Rumi 5:2 ma kuome waseyude kuom yie yor chopo e ng'wono makoro wachungoe. Bende wail kuom geno mar duong' mar Nyasaye.**

**Isaya 55:12 - Luka 19:40 Nodwoko niya, "Awachonu ni; kata ka di giling', to kitegi biro goyo koko."**

**Johana 16:22 Kamano un bende sani en sau mar kuyo, to ubiro bedo mamor ka ananeu bang'e, kendo onge ng'ama nomau mor maru.**

**Luka 12:9 To ng'ato ang'ata mokweda e nyim ji en bende nokwede e nyim malaike mag Nyasaye.**

**Mathayo 10:30 Bende, koda ka yier duto manie wiu osekwan mong'e kar rombgi.**

**Isaya 54:10 - Mathayo 24:35 Polo gi piny norum, to Wechena ok norum ngang'.**

**Mathayo 11:28-30 "Biuru ira, un duto mujony kendo uting'o misigo mapek, mondo amiu yweyo. 29 Kawuru lodina mondo uting' kendo puonjreuru kuoma, nimar chunya muol kendo ahora mos, eka unuyud yweyo ne chunyu. 30 Nimar lodina ok pek kendo misika yot."**

**Salmon 2:10 & Hosea 2:14,19,20 - 2 Jo-Korintho 11:2 Nyiego omaka kodu machalo gi nyiek Nyasaye. Ne asin-gou ne dichwo achiel kende, ma en Kristo mondo omi achiwu kaka nyako masili ni en.**

**Exodus 13:4 - Jo-Hibrania 13:8 Yesu Kristo chaire nyoro, gi kawuono kendo nyaka chieng'.**

**Hosea 13:4 - Tich Joote 4:12 Warruok ok nyal yud kuom ng'at moro machielo; nikech onge nyng moro machielo e bwo polo mosechiw ne ji mondo wayud warruok kuome." Johana 15:14 Un osiepega mana kutimo gik ma achikou.**

**Johana 14:6 Yesu nokone ni, "An e yo kendo An e adiera kendo An e ngima. Onge ng'ama nyalo biro ir Wuora ka ok okadho kuoma.**

**Fweny Mane 3:20 Ne! achung' e dhoot kendo aduong'o, ka ng'ato ang'ata owinj o duonda mi oyawona dhoot to abiro donjo ire mi achiem kode to en bende ochiem koda.**